

## XXVIII.

*Ci commence li .xxviii. chapitres de cest livre liqueus parole comment l'en doit servir son seigneur de ronci de service par reson de fief, et quel damage on en puet avoir se on ne fet ce qu'on doit.*

**793.** Cil qui est semons pour ronci de service, selonc la coustume de Beauvoisins, a droit jour de quinzaine ou de plus ne<sup>a</sup> doit pas contremander, mes essoinier puet<sup>b</sup> une fois s'il a essoine. Or veons comment il doit servir que ses sires ne le puist tourner<sup>c</sup> en defaute<sup>d</sup>, car c'est la querele<sup>e</sup> qui queure en la conteé<sup>f</sup> dont li povre gentil homme sont plus grevé par leur seigneurs, pour ce que certaine estimacions n'est pas fete par jugement queus roncis il doivent et de quel pris. Et pour ce vueil je moustrer une voie par laquelle cil qui sont semont<sup>g</sup> en tel cas se puissent defendre et<sup>h</sup> offrir assés a leur seigneurs<sup>i</sup>.

**794.** Il est certaine chose que tuit cil qui tiennent de<sup>j</sup> fief en la conteé de Clermont doivent a leur seigneur<sup>k</sup> pour

Rubr.) *A* Ici comm. ; *AB* liq. ensaigne ; *AB* omettent et quel damage ... ce qu'on doit ; *BEFGHJK* omettent de cest livre ; *C* doit son seign. serv. ; pour la reson de f. et en quel damage, etc., comme à la table ; *EFHJK* cap. qui par. ; *G* omet *Ci commence et liqueus* ; fief et en quel dam. ilz sont si ne servent leur seigneur ainsi qu'il doivent ; *H* Chi parole li ; *HJK* omettent de service et se on ne fet ce qu'on doit. — a) *EF* plus ne ne doit. — b) *GHIJK* omettent puet. — c) *BF* p. trouver. — d) *HJK* en nule deffaute. — e) *A* la quere qui. — f) *GHIJK* omettent en la conteé. — g) *E* sont tant semons. — h) *AC* def. en tel cas ; *C* cas si se p. — i) *AB* seigneur. — j) *EF* lien. en fief. — k) *CEF* leur seigneurs.

chascun fief un ronci de service se li sires le veut <sup>a</sup> prendre. Mes se je tieng d'aucun seigneur et il me suefre que je ne serve <sup>b</sup> pas tant que <sup>c</sup> ce que je tieng de lui va d'une main <sup>c</sup> en autre <sup>d</sup>, li sires ne le <sup>e</sup> me <sup>f</sup> puet mes <sup>g</sup> demander, car je ne sui mes ses hons, par quoi je ne li doi point de <sup>h</sup> service; ne il ne le puet demander a celi qui est ses hons de la chose que je tenoie, pour cause de moi, mais pour soi, par la .re-son de son homage, le puet il bien <sup>i</sup> avoir s'il veut <sup>j</sup>.

**795.** Se je sui semons pour paier ronci de service, je doi au jour de la semonse mener ronci sain de tous membres et offrir loi a mon seigneur, et dire en tel maniere: « Sire, semont m'avés de ronci de service; ves ci un ronci que je vous offre sain de tous membres. Si vous requier que vous le prengniés <sup>k</sup> et, s'il ne vous plect a <sup>l</sup> prendre, donnés moi jour soufisant et je vous amenrai autre <sup>m</sup>. » Donques s'il ne li plect a prendre, il me doit donner jour d'amener autre a .xv. jours, et ainsi me puet fere par trois fois s'il li plect. Et quant je li menrai ronci a <sup>n</sup> la tierce fois, je doi offrir et <sup>o</sup> le <sup>p</sup> ronci et deniers, et dire en tel maniere: « Sire, semont m'avés de ronci de service; amené vous en ai un, deus <sup>q</sup>, et ves ci le tiers qui est sains de tous membres. Si vous requier que vous le prengniés <sup>r</sup> et, se le roncis ne vous plect <sup>s</sup>, je vous offre .lx. s. pour le ronci et ves ci <sup>t</sup> les deniers. Et se vous ne voulés prendre le ronci ne les deniers, je vous requier <sup>u</sup> que vous <sup>v</sup> du service me <sup>x</sup> lessiés en pes. Et se vous voulés dire que je ne vous aie fet offre soufisant, je vous requier que

a) *A* se li seigneur les vuelent pr. — b) *F* je n'en s. — c) *E* serve mie et il va de main. — d) *A* autre main; *G* en une autre. — e) *E* omet le. — f) *C* omet me; *JK* ne me le puet. — g) *AB* puet puis dem. — h) *BEF* doi nul service. — i) *JK* omettent bien. — j) *EF* veut par le coustume et ch'est droiz. — k) *GHIJK* le prenes. — l) *H* plect au pr. — m) *CGHIJK* amenr. un autre. — n) *A* omet a. — o) *BCEF* omettent et. — p) *CEF* omettent le. — q) *C* un, voire deus. — r) *GHIJK* prenes. — s) *GHIJK* vous siet. — t) *C* veez ichi. — u) *F* vous pri que. — v) *CFGHIJK* omettent vous. — x) *F* service et des deniers vous me l.; *G* service vous me l.

1. *Tant que*, pendant tellement de temps que.

vous me faciés dire par droit et par mes pers quel ronci je vous doi et de quel pris ; et je vous offre a servir sans delai dusques a l'esgart de leur jugement. » Et<sup>a</sup> se je vois en ceste maniere avant, mes sires<sup>b</sup> ne me puet cel jugement veer ne moi tourner en nule defaute qu'il ne me face tort<sup>c</sup>. Et s'il prent ne<sup>d</sup> saisist<sup>e</sup> le mien, s'il ne le fet<sup>f</sup> par le<sup>g</sup> jugement de mes pers, il est tous jours tenus a moi resaisir avant que je responde a riens qu'il me<sup>h</sup> demant en plet.

**796.** Se mes sires a pris de moi un ronci de service et il ait tenu le ronci .XL. jours continués<sup>i</sup> sans renvoyer le moi<sup>j</sup>, je sui quites de mon service. Et s'il le me renvoie dedens les .XL. jours sain de tous membres, je ne puis<sup>k</sup> refuser que je ne le reprenge<sup>l</sup>, et serai de rechief ses redevans d'un ronci de service. Mes se je l'ai servi de<sup>m</sup> ronci<sup>n</sup> sain et il l'afole<sup>o</sup> tant comme il le tient et il le me renvoie, je ne sui pas tenus a reprendre<sup>p</sup> loi<sup>q</sup>, ainçois doi estre quites de servir<sup>r</sup>.

**797.** Quant j'ai servi mon seigneur de ronci du quel il s'est<sup>s</sup> tenus a paiés, ou le quel il a tenu .XL. jours sans renvoyer, je sui quites du<sup>t</sup> service a tous les jours de ma vie ne ne sui tenus a aler puis lueques<sup>u</sup> en avant aveques mon seigneur ne en sa<sup>v</sup> guerre<sup>x</sup> ne en<sup>y</sup> sa meson defendre, se ja ne vueil; mes je ne doi pas pour ce lessier a aler a ses semonses et<sup>z</sup> a ses jugemens<sup>aa</sup>.

**798.** Il sont aucun fief que l'en apele fiés abregiés. Quant l'en est semons pour service de teus fiés, l'en doit

a) *HJK omettent* Et. — b) *JK* mon seigneur. — c) *EF* puet torner en nule defaute que il ne me fache tort ne il ne me puet che jugement veer. — d) *ABCF* prent ne ne sais. — e) *GHJK* pr. ne [*G* ne]lesse; *M* pr. ne lieve. — f) *CM* mien se che n'est par. — g) *AB* omettent le. — h) *HJK* riens que je dem. — i) *HJK* jours continuelz. — j) *EF* continues sanz moi renvoyer le ronchi. — k) *E* ne le puis. — l) *AB* le prengne. — m) *EF* servi d'un ronci. — n) *BEF* ronci de service sain. — o) *B* il l'a affolé; *CG* omettent l'; *G* a foulé ne grevé; *J* il la folle. — p) *C* a prendre. — q) *G* a le reprendre; *HJK* que je le reprenge. — r) *HJK* omettent de servir. — s) *GHJK* il est. — t) *HJK* quites de mon serv. — u) *C* illuec; *JK* ilec. — v) *A* omet sa. — x) *B* sa terre. — y) *A* omet en; *CE* ne a sa. — z) *BEF* omettent a ses semonses et; *CG* sem. ne a s. j. — aa) *E* a sen jugement.

offrir a son seigneur ce qui est deu<sup>a</sup> par la reson<sup>b</sup> de l'abregement, ne autre chose<sup>c</sup> li sires n'i puet demander se li abregemens est prouvé<sup>d</sup> ou conneus, et il<sup>e</sup> est fet<sup>e</sup> soufisaument par l'otroi<sup>f</sup> du conte. Car je ne puis souffrir a abregier le plein service que l'en tient de moi sans l'otroi du conte, combien qu'il i ait de seigneurs dessous le conte l'un après l'autre, soit ainsi qu'il se soient tuit<sup>g</sup> acordé a l'abregement. Et s'il s'i sont tuit acordé et li cuens le set, il gaaigne l'homage de celui qui tient la chose; et revient l'homages en<sup>h</sup> la nature de<sup>i</sup> plein service, et si le doit amender cil qui l'abreja a son homme, de .LX. lb. au conte.

**799.** Se aucuns abrege le fief a son homme et s'oblige a li garantir comme fief abregié, et li sires par dessus i met la main pour ce qu'il ne veut pas souffrir l'abregement, li sires qui l'abregement fist pert l'homage si comme nous avons dit dessus<sup>j</sup>. Et pour ce n'est il pas quites qu'il ne doie fere restour a celui qui fief il abreja, de tant comme il est damagiés en ce qu'il revient a<sup>k</sup> devoir plein service. Et pour ce est ce grans perius de fere abregemens de fief, se ce n'est par l'assentement des seigneurs par<sup>l</sup> dessus<sup>m</sup> de degré en degré dusques au conte.

**800.** Li rois ne cil qui tiennent<sup>n</sup> en baronie ne doivent lever nul ronci<sup>o</sup> de service pour ce qu'il pueent prendre les cors armés<sup>p</sup> et montés toutes les<sup>q</sup> fois<sup>r</sup> qu'il en ont mestier.

*Ci fine li chapitres des roncis de service.*

a) *C* ce que on doit. — b) *BEF* omettent par la reson. — c) *AB* autres choses. — d) *A* omet est prouvé. — e) *C* omet fet; *EF* omettent et il est fet. — f) *GHJK* par lettres du c. — g) *EF* omettent tuit. — h) *GHJK* rev. a la nat. — i) *GHJK* nat. du pl. serv. — j) *HJK* omettent dessus. — k) *ABEF* rev. en dev. — l) *GHJK* omettent par. — m) *B* p. desoz. — n) *JK* qui tient en bar. — o) *A* lev. nus roncis. — p) *A* cors tous armés. — q) *FJK* omettent les. — r) *A* fois qu'il vuelent et qu'il en. — Explic.) *AJK* n'ont pas d'explicit; *B* Ici faut; *C* Chi define; *GH* Explicit.

1. *Il* = cela.